

Parasceve
concionis
in solo Deo
repositam
esse nostram
salutem.

We Propheten Esaiä am 45. Capitel v. 22. & seqv.
 redet Gott seine Kirche also an: Wendet euch zu mir/so wer-
 det ihr selig/ aller Welt Ende/ denn ich bin Gott/ vnd keiner
 mehr. Ich schwere bey mir selbst/ vnd ein Wort der Ge-
 rechtigkeit gehet aus meinem Munde/ da sol es bey bleiben/ nemlich/
 Mir sollen sich alle Knie beugen/ vnd alle Zungen schweren vnd sa-
 gen/ Im H. Ern habe ich Gerechtigkeit vnd Stercke. Solche werden
 auch zu ihm kommen. In diesen Worten lehret vnd berichtet Gott/
 wo das rechte Heil vnd die gewisse Seligkeit zu suchen vnd zu erlan-
 gen sey/ nemlich in ihme/ welcher ein Gott des Heils ist/ wie Psalm.
 62. v. 8. David saget/ Bey Gott ist mein Heil. Zu ihm sollen wir vns al-
 lein wenden/ sein Heil ergreifen/ vnd vns seiner Gnade vnd Barm-
 herzigkeit freuen vnd trösten. Denn aus ihm entstehet vnser
 Ruhm/ Esaiä am 61. Cap. vers. 11. & 12. Gleich wie Gewechs aus der
 Erden wechset/ vnd Samen im Garten auffgehet: Also wird Gerech-
 tigkeit vnd Lob für allen Heiligen auffgehen/ aus dem H. E. R. N.
 H. Ern. Dieses erinnern wir vns zum glückseligen Eingang des
 neuen Jahrs/ vnd holen Benedeyung/ vnd Segen/ Gnade vnd Re-
 gierung/ Lehre vnd Unterrichtung/ Trost vnd Unterhaltung/ Freu-
 de vnd Ergehligkeit/ Leben vnd Seligkeit/ bey dem Brunn aller Gü-
 tigkeit/ Psalm. 3. v. ult. Bey dem H. Ern findet man Hülffe/ vnd dei-
 nen Segen ober dein Volck/ Sela. Dieser sey auch vnser Heil/ zu
 diesem neuen angehenden Jahre/ biß wir ins ewige Jubeljahr kom-
 men werden/ in welchem Traurigkeit ohne Zeit/ Warheit ohne Irr-
 thumb/ Freude ohne Traurigkeit/ Leben ohne Tod/ Herrlichkeit ohne
 Maß/ Seligkeit ohne Verdammis seyn wird. Wollen diß folgende
 Christliche Neue Jahrs gesängelein mit einander singen/ vnd drauff
 ein heiliges Vater vnser beten.

Helffe mir Gottes Güte preisen ihr lieben Kinderlein etc.

Uloss. 3. v. 17. vermanet der Apostel S. Paulus: Alles was ir thut/
 mit Worten oder mit Wercken/ das thut alles in dem Namen des
 H. Ern Jesu/ vnd dancket Gott vnd dem Vater durch ihn. Dieser Apo-
 stolschen Erinnerung nach/ danken wir auch dem ewigen Gotte für
 seine hohe vielfaltige vnd vnaussprechliche Wolthaten/ welche er vns
 das vergangene Jahr ober/ aus sonderlichen gnaden erzeiget hat. Bey
 seiner Kirchen hat er Lerern vnd Zuhörern sein seligmachendes Wort/
 vnd die hochwürdigen Sacramenta mitgethetlet/ dadurch sie zu wah-
 rem Erkenntnis Gottes/ Christlichem Glauben/ gottseligem Wandel/
 vnd Gewisheit der Seligkeit komen sind. Bey weltlichem Regiment
 hat er Obrigkeit vnd Unterthanen/ Leute vnd Land bey guter Poli-
 tzen/ Friede vnd Wolfahrt erhalten. In der Haushaltung hat er den
 Eheleuten/ Mann vnd Weib/ Eltern/ Vätern/ Müttern/ Kindern/
 Besinde/

Exordium
à gratiarum
actione, pro
beneficiis in
veteri anno
collatis, &
petitione
pro felici
anni novi
exorsu &
decurfu.